

孔凡章 著



辛未正月

周退密題端



迴舟續集

孔凡章 著

迴舟續集

庚子歲除日

許寶騏書



中國文學出版社

一九九二年·北京

(京)新登字 172 号

回舟续集

孔凡章 著

中国文联出版社出版、发行

(北京农展馆南里 10 号)

文物出版社印刷厂印刷

新华书店总店北京发行所经销

*

787×1092 毫米 32 开本 6.625 印张 3 插页 58 千字

1992 年 6 月第 1 版 1992 年 6 月北京第 1 次印刷

印数: 1—2500 册

*

ISBN 7-5059-1620-3/I·1108 定价: 4.20 元




作者近影

采許興亡話白門
繁華聖散暗銷魂
可憐無限東流月
只向清宵照破垣

敬錄

家大人韋虎先生金陵雜詩 凡章



作者壯年

時世妝成孰与俱
夜來枯坐數心心
蕭索未忘日計
塵與夢教挽風騷
宿願飛空塵瑞應
沙石荻步
民終在無怪姻
之來未喜
沈
息早乞清陰
滿六歲

元稹晚年詩



作者簡介

孔凡章，男，一九一四年生，四川成都人。解放前在交通、金融部門工作。現任中央文史研究館館員，館中詩詞組組長。

幼年在家塾中學對聯，因解平仄。稍長，受伯父孔葆滋、父孔韋虎影響，愛好詩詞，自行習作。因乏師承，所作俚俗，又不知愛惜，均未留稿。

弱冠負笈上海震旦學院，得樂患知教授指導，始漸窺作詩門徑。

自此勤于寫作，當時成「風華集」、「冬寒夏熱居詩集」，得詩近千首。抗戰中，南京失陷，舉家倉皇入川，衣物盡失，遑論詩集矣。

戰時供職蘭州，成「隴行集」。又于行役中失之于廣元旅邸。

返蓉后始成「回舟集」，解放以來，生涯碌碌，無暇吟詩，置之牀下木篋，旋爲蟲食，殘紙又焚之于文革中。今之回舟集，回憶殘稿，益以新作而成。續集又近二年吟稿也。

題詞

以收到先後爲序

蘇幕遮

沈軼劉

曲阜林、衢州廟。南北雙支，南北雙支早。天下衣冠萬世表。千古儒宗，千古儒宗少。嘉陵江、瓊崖島。峽束滄波，峽束滄波淼。白馬黃牛歸去道。再度回舟，再度回舟好。

八聲甘州

沈哂之

記河湟萬里事長征，隴山繞金城。祇車輪驛路，江南塞北，何處歸程？

唱到念家山破，悲淚灑新亭。有客來巴蜀，相與心傾。今日故人無恙，正吟場樹幟，筆陣縱橫。五十年久別，差可慰平生。想東山，圍棋賭墅，看兒曹壇坫建勛名。爭知我、滄江一卧，長伴孤燈。

傅靜庵

一卷詩隨去雁鳴，燕南粵北晚交情。數行不盡箋函意，四海同聞雅頌聲。我愛香山新格調，人懷錦里舊才名。未親杯杓心先醉，爲報瑤篇又續成。

顧潛光

楓叶流丹映晚霞，明時觴詠住京華。篋中舊稿驚春草，溪上芳鄰接浣花。清寂衙齋堪大隱，蕭條壇坫足名家。劍南又見詩人集，一卷回舟

寄想賒。

業衍璋

暮年詞賦動京華，籍甚聲聞足嘆嗟。收拾山林歸筆硯，安排風月入琵琶。從來盛世須名士，何況詩壇擅一家。記否少年多感慨，生憐恬退作生涯。

江湖頭白未歸來，晚翠新紅任剪裁。筆底歌詩搖彩燄，胸中塊壘化輕埃。回舟天地如初沐，掉臂陰霾喜盡開。名世文章精氣在，知君終不住蒿萊。

莫仲予

浩蕩岷江有此才，錦城春暖棧雲開。花經雨後嬌紅出，詩到清時雅頌

來。愛古於今彈有調，疏林從此更多材。回舟又續瓊瑰集，習習東風嶺外催。

蔣杏沾

聲名久已播神京，邂逅西泠幸識荆。藻思縱橫三寸管，藤箋酬贈一番情。交游文舉客常滿，辭賦子山老更成。白雪陽春成絕響，幾回展讀我心傾。

陳宗樞

（南仙呂長拍）錦里詩才、錦里詩才、京華耆宿，無愧掣鯨身手。歸閑探勝，訪魯覽古，滿詩囊芷蘭香留。珍重少年游。想屐痕琴韻、俊懷迤逗。哀樂中年舊夢冷，天地轉，賦回舟、几度海桑看够。喚楚魂湘魄，重理

吟謳。

（短拍）貞觀梅村、貞觀梅村、蕭條異代、踵心源越樣風流。賦筆繼枚鄒。已抵得老成功候。領略清新意境，似檐雨庭竹一枰秋。

（尾聲）因緣幸結詩盟友，合令我平生低首。再莫道後山詞筆在上頭。（章贈宗樞先生詞有「欄干拍遍吟難穩，有前頭後山詞筆」句。）

張溶川

庸音蜩沸遍塵寰，祇道風騷永不還。一讀華章三擊節，廣陵散尚在人間。

一天風月一閑鷗，客里高吟到白頭。腐鼠掃空妖服絕，江湖滿地任回舟。

白髮填詞憶少年，名湖花月艷神仙。吟來恍入西泠閣，紫燕黃鸝和管

弦。

傑句多刊七律間，君家宣聖忍輕刪。
夜窗風雨回環誦，如晤多才李義山。

魏新河

那便騷壇絕正聲，筆花不廢舊才名。
江南競唱「楊花曲」，都下方傳「巨硯行」。
白首回舟天地窄，彩毫興賦埽壇驚。
關山悵望程門雪，將信梅村老上京。

彭鶴濂

清絕君詩不染埃，筆端落紙起風雷。
回舟曾過西陵峽，望見瞿塘灩澦堆。

久客他鄉此又回，青山如欲撲舟來。樓台兩岸搖金碧，不信江城有劫灰。

鷓鴣天

宋亦英

李杜光芒大雅才，行行字字蕩風雷。分明肝膽詩中見，自有情文紙上來。春至矣，興悠哉。回舟一葉地天開。亦詩亦史千秋筆，合向花前共舉杯。

陳紹華

答書三復見情真，不覺天涯若比鄰。竟夜諷吟遙寄意，莫教奉倩苦傷神。

魏經邦

京華三絕又斯人，管領風騷事果真。一卷鄉孃知有托，五行箏柱漫傷神。欣聞壇坫張新幟，并茂情文見異珍。北海年年春草綠，名山雙集重璠玞。

周振甫

「長恨」「琵琶」「絕妙辭」，「圓」一曲亦堪師。而今又讀「楊花曲」，一代詩人足繼之。

外孫齋白玉玲瓏。金鴨烟薰百窟籠。一石能傳千古史，米顚應拜勝天工。